

Rapport annual della Romania per 1965

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **51 (1965)**

PDF erstellt am: **23.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

muncau. Quala ei bein la raschun? — Lein sperar ch'els anflien pli tgunsch la via l'autra ga en Surmir! — A Marcus Defuns, il premurau organisatur digl instructiv camp, exprimel jeu in grond Dieus paghi.

2. Fusiun Corv e Talina

La Secziun studentica dalla Romania e la Ladinia han giu concludiu da fusiunar lur periodicas. Dapi 1965 cumparan *Corv & Talina* en nova fuorma sco emprema gasetta interromontscha. Il resun da quella 'maridaglia' ei staus en general buns. Da giavischar fuss ina spediziun centrala.

3. Exposiziun ambulonta

Il procuratur dall'exposiziun, Leo Capaul, quintava saver surschar l'exposiziun per 6 jamnas a Claustra, nua ch'ella fuss vegnida incorporada en las Jamnas d'art. Quei ei denton buca stau pusseivel, essend che Claustra ha giavischau l'exposiziun per 1966, a caschun d'ina manifestaziun dil lungatg romontsch.

Plinavon ei il procuratur s'adresses a Lucerna, Zug, Winterthur, S. Gagl e Berna. Muort intervenciun da Dr. Andri Peer havein nus finalmein saviu presentar l'exposiziun per 1 meins a Winterthur. L'avertura ha giu liug cun la cooperaziun dil chor mischedau dall'Uniun Grischuna da Winterthur, ed in discours sur problems romontschs da Dr. A. Peer. Il success ei staus dètg cunteiveis.

Alla fin da miu rapport s'auda ei d'adressar a mes amitgs dil comite in cordial e sincer engraziament per la confidonza demussada e la buna collaboraziun. Cordial Dieus paghi a tut quels ch'han gidau cun plaid e cussegli, prestau lavur el zuppau ed ein buca vegni numnai.

Falera, mars 1967

Per la Secziun studentica
dalla Romania

Il president: *Isidor Winzap*

RAPPORT ANNUAL DELLA ROMANIA PER 1965

Cun quellas paucas lingias vulein nus orientar cuortamein ils lecturs digl Ischi sur dils fatgs impurtonts capitai el ravugl della Romania duront igl onn 1965. En quei interval ei la suprastanza della Romania seradunada 4 gadas. Denton han buca tut las damondas ed acziuns discutadas saviu vegnir liquidadas.

Attenziun speciala havein nus attribuiu a nos organs officials: Nies Tschespet ed Ischi. Cun l'ediziun de quels annuaris sa la Romania satisfar il meglier a siu intent primar che ha per mira de promover lungatg e cultura sin intschess romanian.

La 44avla annada de «Nies Tschespet» ei comparida il november 1965. Quei cudischet por-scha al lectur romontsch entgins raquents da nies scribent popu-

lar Benedetg Caminada, Mustér. Cun quella publicaziun ha il redactur, scolast Alfons Vinzens, Trun, vuliu renconuscher la gronda premura e la stenta dil scribent ord miez il pievel en favur de nies lungatg mumma. Il meglier mussament che quellas historiettas han anflau accoglientscha tier nos lecturs ei il bien esit de quei cudisch. Enteifer paucas jamnas ei l'entira edizion stada vendida.

La 49avla annada digl «Ischi» ei comparida en fuorma zun voluminusa. Ella cumpeglia 256 paginas. Cun satifacziun constatein nus in carschament de 400 abonnents novs de quei organ. Quei augment e l'execuziun plascheivia de quella periodica ei d'attribuir alla gronda lavur de nies preziaz e nunstunclenteivel redactur, dr. Alfons Maissen, Cuera. Nus engraziein ad el per tut sia lavur al beinreussir de quei organ. Dallas lavurs comparidas egl Ischi meretta bein il studi historic «Nicolò Rusca e siu temps» de prof. Giusep Lombriser, Trun/Friburg, edius da dr. Martin Soliva, Cuera, menzioen speciala.

Il cudischet de canzuns «Juhè» ei ton sco exausts. Havend quel giu in aschi stupent esit, decida la suprastanza de restampar el en in diember de 2000 tocs. Il patratg de crear in cudischet de canzuns per la giuventetgna romontscha ei sortius dallas retschas della Secziun studentica. Als dus redacturs, Sur Ciril Berther, Rabius/Turitg ed a Sur

Giachen Caduff, Degen/Sviz, admettein nus en num dils amitgs dil cant in cordial engraziament. Il «Dun de Nadal» ei vegnius stampaus en in diember de ca. 1000 exemplars. Era quella edizion anfla buna accoglientscha tier nos lecturs giuvens. Ins ha priu en egl de crear ina gasetta interromontscha per la giuventetgna.

La Romania ha sustenui l'edizion dil «Corv e Talina» ed il Camp studentic interromontsch a Vella. All'entschatta digl onn 1965 ha la suprastanza priu en egl d'edir ina biografia de s. Tresa digl affon Jesus. La translaziun era ualti voluminusa. La suprastanza ha giavischau ina scursanida. Per motivs de pietad ha il translatur buca saviu dar suatienscha a quei giavisch e retratg il manuscret. Quel ei silsuenter vegnius edius sin basa privata. Il pledari per lavurs manilas, elaboraus dalla inspectura per lavurs manilas, Maria Muoth, Breil, vegn, edius en cuminanza cun l'URS e la Renania. Seconprova l'emprema edizion, patratgan ins vid ina edizion pli voluminusa. En preparaziun stattan plinavon ina edizion giubilara dellars ovras de dr. Aluis Tuor. Plinavon ei ton sco preparada ina collecziun dellas poesias de nies poet Luis Candinas, Rueun. Alla radunanza generala della Romania dils 26 de december 1965 ha Dumeni Columberg, lic. oec., Cavardiras/S. Gagl, referiu sur dil tema: «La situaziun economica en Surselva» che ha cla-

mau ina viva discussiun. Quei referat ei vegnius publicaus sco separat della Gasetta Romontscha.

A caschun de quella radunonza ha ei dau entginas midadas personalas. Scolast secundar Pauli Giger, Trun, seretila dalla suprastonza della Romania. El vegn remplazzaus entras Dumeni Columberg.

Plinavon remetta era il redactur dil Nies Tschespet, scolast Alfonz Vinzens, siu uffeci. Per sia lavur de redactur, sco era per siu ulteriur operar en favur de

nies lungatg mumma admetta il president en num de tut ils Romanians in cordial engraziament. Sco successur vegn elegius Gion Arthur Manetsch, Cuera.

Concludend quei rapport vulein nus buca tralaschar d'engrazier a tut ils commembers de suprastonza, sco era als redacturs de Tschespet ed Ischi per la lavur prestada.

Per la Romania

Il president:

Francesc Degonda